

SCRIPT OF MORNING GOJRI NEWS BULLETIN 19AUG 1015 HRS

ما رنینگ گو جری نیوز بلیٹن مورخہ 19 اگست 2025

یوہ آکاشوانی جموں ہے عبیدلرحمان تیں خبر سُنو۔

CHASHOTI DEATH TOLL

ضلع کشتواڑ غا چسوٹی گراں مانہ بچاؤ کاروائی تے راحت غا کام سمعواریں لگاتار 5 ویں دن وی جاری رہیا گزشتہ ہفتہ مانہ آئی بھیانک بھاڑ ت بادل پھٹن غا واقعہ تیں بعد اتھارٹی دن رات راحت کاروائیاں مانہ مصروف ہیں ت اس دل دوز واقعہ مانہ گم شدہ افراد غی تلاش جاری ہے اس تیں علاوہ متاثرہ کُنباں غی وی ہر ممکن مدد کی جارہی ہے آکاشوانی جموں غا نمائندہ نے خبر دتی ہے کہ بادل پھٹن غا اس واقعہ مانہ اس وقت تقریبی 62 افراد غی موت واقعہ ہوئی ہے تے پولیس ریکارڈ غے مطابق 41 افراد آلیں وی گارا غا ملوہ تھلے ہون غو خدسو ہے کیونکہ یہ 41 افراد آلیں توڑی گم شدہ ہیں بچاؤ ٹیم نے مزید کہیو ہے کہ مذکورہ سانچہ مانہ اموات غی تعداد مزید بدھ سکے حزب اختلاف لیڈر سنیل شرما جھپڑا جے چسوٹی گراں مانہ کئی اعلیٰ حکام جن مانہ آئی جی پی جموں تے خطائی کمشنر جموں شامل ہیں نے کہیو ہے کہ اس قدرتی آفت غی شدت نا قابل بیان ہے۔

DY CM KATHUA VISIT

نائب وزیر اعلیٰ سریندر چوہدری نے گزشتہ روز ضلع کٹھوعہ مانہ سڈکو گھاٹی صنعتی اسٹیٹ غا مقام ور قائم کیا گیا راحت کیمپ غو دورو لایو تے حالیہ دنان مانہ بادل پھٹن تے باڈ آن نال متاثر ہویا افراد وستے کیا گیا انتظامات غو جانیزو لیو موصوف نے متاثرہ افراد نال خطاب غے دوران کہیو کہ سرکار متاثرہ افراد نال اس مشکل گھڑی مانہ شانہ بشانہ کھڑی ہے تے وقتی طور پر راحت گا اقدامات تیں علاوہ آئندہ دنان مانہ متاثرہ افراد خاطر مستقل رہائش فراہم کرن خاطر وی سرکار اقدامات کر رہی ہے اس دوران موصوف نے فوجی اسپتال پٹھان کوٹ غو وی دورو لایو وزیر موصوف نے جی ایم سی کٹھوعہ غو وی دورو کیوت گھاٹی مانہ بدل پھٹن گ اواقعہ مانہ زخمی ہویا افراد غی صحت تے موجودہ صورتحال بارے پوچھیو پالیو۔

RANA SYNTHETIC TRACK

جل شکتی غا وزیر جاوید راجا نے گزشتہ روز ضلع پونچھ غا بھاٹی دار مینڈھر علاقہ مانہ تعمیر ہو رہیا مصنوعی اتھلیٹ رستی غو معائنو کیو ضلع غے اندر اس پروجیکٹ غی کافی اہمیت ہے تے یوہ بنیادی اہم تعمیراتی پروجیکٹ 6 کروڑ روپیاں غی لاگت نال تیار ہو رہیو ہے۔ دورہ غے دوران وزیر موصوف نانہ دسیو گیو ہے کہ مذکورہ پروجیکٹ ور 40 فی صد کام مکمل کرلیو گیو ہے جاری کام کاج ور خوشی گو اظہار کرتا مانہ وزیر موصوف نے کام غ رفتار مانہ تیزی لیاں ت معیار مانہ مزید بہتری لیاں غی ہدایت جاری کی اس دوران وزیر موصوف نے مذکورہ جگہ ور اضافی امدادی تعمیر غو وی اعلان کیو ہے۔

SCHOOL CLOSED

اسکولی تعلیم جموں گا ڈائریکٹوریٹ نے گزشتہ روز خطہ جموں گا تمام سرکاری ت نجی اسکولان نانہہ منگلوار 19 اگست نانہہ بند رکھن غو اعلان کیو تھو لگاتار بارشاں تے خراب موسم غے چلتیں طالب علماں تے تعلیمی عملہ غا تحفظ خاطر یوہ اعلان کیو گیو تھو آکاشوانی جموں غا نمائندہ نے خبر دتی ہے کہ محکمہ موسمیات غی طرفوں جاری پیشن گوئی تیں بعد یوہ فیصلو لیو گیو محکمہ موسمیات نے جموں کشمیر یو ٹی گا کئی ضلعان گے اندر بھاری بارشاں تیں علاوہ باڑھ تے پسی پین گا امکانات بارے خبردار کیو تھو جس غی وجہ نال طالب علماں تے دیگر اسکولی عملہ غا تحفظ ناہہ یقینی بنان خاطر اج اسکول بند رکھن غو فیصلو لیو گیو۔

DC JAMMU NH REVIEW

ڈی سی جموں راکیش منہاس نے گزشتہ روز جموں کاهنور قومی شاہراہ پروجیکٹ غے تحت چل رہیا کام کاج غو جائیزو لیو ڈی سی موصوف نے پیکج 1,2 تے 3 اے تیں علاوہ 3 بی پیکج غو وی معائینو کیو اس دوران بھگوتی نگر گنیش ویہار مٹھی ڈومانا امبارن چک سنگا تے بنو مان چوک جیسا مقامات ور چل رہیا کام کاج غو جائیزو لیو گیو اس موقعہ ور ڈی سی موصوف شاہراہ ور کام کاج غے دوران درپیش مشکلاں نانہہ وی سنیو تے وقت رہتیں اس پروجیکٹ نانہہ مکمل کرن خاطر انتظامیہ غا بھر پور تعاون غی یقین دہانی کرائی۔ اس موقعہ ور قومی شاہراہ ور بچیا کام کاج نانہہ مکمل کرن خاطر 8 مہینہ غو وقت مقرر کیو گیو ہے۔

MET

محکمہ موسمیات غی آئندہ دنان وستے جموں کشمیر غا کئی ضلعان مانہہ بھاری بارشاں غی پیشن گوئی تیں بعد سرکار نے متعلقہ اتھارٹی ت عوام نانہہ الرٹ ور رکھیو ہے کیونکہ کئی علاقان مانہہ بھاری بارشاں غے نال باڑھ پسی پین تے زمین کھسکن جیسا واقعات پیش آسکیں آکاشوانی جموں غا نمائندہ نیخبر دتی ہے کہ محکمہ موسمیات غی طرفوں جاری ہدایتاں تیں بعد سرکار نے ڈپٹی کمشنراں اعلیٰ حکام انجینیر تے ہنگامی صورتحال مانہہ کام کرن آلا عملہ نانہہ ہدایت جاریکی ہیں کہ وے کسی وی ہنگامی صورتحال نال نبرن وستے مکمل تیاری رکھیں ضلع اتھارٹیاں نانہہ وی ہدایت جاری کی گئی ہے کہ وے نہ صرف راحت کیمپان نانہہ متاثرہ عوام وستے تیار رکھیں بلکہ ضروری سامان غے نال نال دوئی کھان پین غو سامان ت دیگر ضروری اشیاء نانہہ خاصی مقدار مانہہ جمع رکھیں۔

MUGHAL ROAD CLOSED

تاریخی مغل سڑک ور گزشتہ روز کئی مقامات ور پتھر آن غا واقعات تیں بعد متعلقہ اتھارٹی نے گزشتہ شام مغل سڑک بند کرن غو اعلان کیو ہے علاقہ غے اندر بھاری بارشاں غے پیش نظر یوہ فیصلو لیو گیو ہے جس مانہہ کسی وی گڈی نانہہ مغل سڑک ور چلن غی اجازت نہیں ہے ٹریفک حکام نے مسافراں نانہہ موسم صاف ہون تے سڑک نانہہ آمدرفت وستے بحال ہون تک سفر نانہہ کرن غو مشورو دتو ہے۔

PTC ANNOUNCEMENT

علاقائی خبراں آلا شعبہ آکاشوانی جموں غی طرفوں ضلع جموں واسطے عارضی نامہ نگاراں یعنی پی ٹی سی واسطے درخواست منگی گئی ہیں۔مجوزہ پرفارمہ ور عارضی نامہ نگار غی پوسٹ مانہہ دلچسپی رکھن آلا ایسا اُمیدوار درخواست دے سکیں گا جہیڑا ضلع جموں گا بسنیک وین تے اُن غی عمر 24 براں تیں 50 براں غے بشکار وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا صحافت غا شعبہ مانہہ ڈگری یا فر تسلیم شدہ یونیورسٹی تیں گرجویشن غے ہمراہ 2 براں غو صحافت مانہہ تجربو مقرر کیو گیو ہے۔اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات تے میڈیا کوریج مانہہ تجربو وی ضروری ہے۔عارضی نامہ نگار غی پوسٹ مانہہ دلچسپی رکھن آلا اُمیدوار واسطے لازمی ہے جے ضلع صدر دفترجموں یا اس تیں 10 کلو میٹر غادائرہ غے اندر رہائش پزیر وے اس سلسلہ مانہہ درخواست غی ہارڈ کاپی ضروری دستاویزات غے ہمراہ ہیڈ ریجنل نیوز یونٹ آکاشوانی پنجنترتھی جموں مانہہ بزات خود آئیندہ 31 اگست 2025 توڑی دے سکیں۔ اس بارے مزید جانکاری ویب سائٹ www.newsonair.gov.in ور دستیاب ہے۔
